

# Профсоюзин кӧдлмшиг ясрулхмн

Шидр болсн КПСС-н Яшкульск райкомин 2-ч пленум „СССР-н профессиональн союзмудин кӧдлмшин тускар“ КПСС-н ЦК-н декабрьск Пленумин токтаврал кӱүндвр кесн, районн партийн организац профсоюзн организациг муугъар гардджахнь илдкгдв.

„Кировский“ совхозин эклц парторганизацн (сеглӓтрнь ӱр Н. Ф. Спиридонов) кӧдлмшиг нег ӱлӱ пленум деер шалгълж келцхӓв.

Эн парторганизац муугъар профсоюзан гардг учрал, нидн джилин ноябрь сарас нааран совхозин кӧдлмшчрин комитет зура угагъар кӧдлдгдн, хӧбчнр болн механизатормуд ямаран бӓӓхинь медхш, теднлӓ кӱр-кӱүндвр кешш, неквртнь оньган ӧгхш. Ӱлгӱрнь, ах хӧбч Голшаевин бригад (3-ч ферм, управляющнь ӱр Глазов) ноябрь-декабрь сармудт тӱлӓн уга болсн учрал, ӧвс тӱлджӓв.

Эн джилин ӱвл дулан, цасн уга, сӓӓхн болсн бийнь, декабрь-январь сармудт совхозин хӧбдӓс гару гарв, нег ӱлӱ 1-ч фермд. Иим йовдл медӓ бӓӓсн бийснь, кӧдлмшчрин комитет (ахлачнь ӱр Якушев), 1-ч фермин местком (ахлачнь ӱр Мучкаев) хӧбчнрлӓ совещань келж, хӧд ягъад ӱкджӓх учринь меддж авад, асрлгъинь, хӓлӓвринь ясрулх эв-аргъ хӓӓцхӓсн уга, хоомагъар уха-сед-

клӓн кӧдлмштӓн ӧгчӓсн хӧбчнриг олна хуртг кӱүндӓл, кӧдлмшинь сӓӓрӱлхд оньган ӧгцхӓсн уга.

Совхозин эклц парторганизац болн кӧдлмшчнрин комитет социалистическ дӧрлдӓнӓ диг кешш. Эн учрал, берк сӓн кӧдлмштӓ мал ӧскӓчнрт ӧгдгдг совхозин Улан туг 2 сарин туршар ӱр Спиридоновин болн ӱр Якушевин кӧдлдг ӧрӓс бӓӓгъӓ.

Мал ӱвлзлгънӓс гарх цаг ӧбрдджӓнӓ, тер бийнь фермин месткомс, сӓӓнӓр хӧбгъӓн ӱвлзӱлдж гарсн бригадт ӧгдг Улан дарцг болн „вымпел“ уга.

Эклц парторганизацн сеглӓтр ӱр Спиридонов болн кӧдлмшч комитетин ахлач ӱр Якушев, социалистическ дӧрлдӓ кехд кӧтлврчнь болдг эрсин газетд оньган ӧгхш, эн учрал ӱвлин туршар эрсин газет болн боевой листокс гарсн уга.

Совхозд кӧдлджӓх 700 кӧдлмшчнрӓс болн церглӓчнрӓс зуг 520 кун профсоюзин членд бӓӓнӓ. Шинӓс членд орулдж авх кӧдлмш профсоюз делгрӱлхш, нам чледӓс взнос мӧнӱг муугъар цуглулна.

Профсоюзн кӧдлмшиг ясрулдж КПСС-н ЦК-н декабрьск Пленумин токтаврла ирлцӱлх эклц парторганизацн ончта чинртӓ нег тӧрнь.

В. АЛЕКСАНДРОВ.